

**FRAMSELD REGLUGERÐ FRAMKVÆMDASTJÓRNARINNAR
(ESB) 2018/729****2019/EES/49/22****frá 26. febrúar 2018****um breytingu á reglugerð Evrópuþingsins og ráðsins (EB) nr. 273/2004 og reglugerð ráðsins (EB) nr. 111/2005 að því er varðar að færa tiltekin forefni fíkniefna á skrá yfir skráð efni (*)**

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (EB) nr. 273/2004 frá 11. febrúar 2004 um forefni ávana- og fíkniefna ⁽¹⁾, einkum 15. gr.,með hliðsjón af reglugerð ráðsins (EB) nr. 111/2005 um reglur um vöktun viðskipta með forefni ávana- og fíkniefna milli Bandalagsins og þriðju landa ⁽²⁾, einkum a-lið 30. gr.,*og að teknu tilliti til eftirfarandi:*

- 1) I. viðauki við reglugerð (EB) nr. 273/2004 og viðaukinn við reglugerð (EB) nr. 111/2005 innihalda hvor um sig skrá yfir skráð efni sem falla undir fjölda samræmdra aðgerða varðandi eftirlit og vöktun sem kveðið er á um í þessum reglugerðum.
- 2) Með ákvörðunum Fíkniefnanefndar Sameinuðu þjóðanna 60/12/EB og 60/13/EB, á sextugasta fundi hennar 16. mars 2017, var 4-anilín-*N*-fenetýlpíperídíni og *N*-fenetýl-4-píperídóni bætt í töflu 1 í samningi Sameinuðu þjóðanna gegn ólöglegri verslun með fíkniefni og skynvilluefni frá 19. desember 1988 ⁽³⁾ (hér á eftir nefndur samningur Sameinuðu þjóðanna frá 1988).
- 3) Tilgangur reglugerðar (EB) nr. 273/2004 og reglugerðar (EB) nr. 111/2005 er framkvæmd 12. gr. samnings Sameinuðu þjóðanna frá 1988 í Sambandinu. Af þessum sökum ætti að bæta 4-anilín-*N*-fenetýlpíperídíni og *N*-fenetýl-4-píperídóni í I. viðauka við reglugerð (EB) nr. 273/2004 og í viðaukann við reglugerð (EB) nr. 111/2005.
- 4) Skráðu efnunum, sem skráð eru í þá viðauka, er skipt í flokka sem mismunandi aðgerðir gilda um til þess að ná hlutfallslegu jafnvægi á milli þeirrar ógnar sem stafar af hverju tilteknu efni og byrðar á lögmæta verslun. Ströngustu aðgerðirnar varðandi eftirlit og vöktun gilda um efni í 1. flokki. Til dæmis þarf að geyma efni í 1. flokki í öruggu húsnæði og hver rekstraraðili, sem á í viðskiptum með efnin, þarf til þess leyfi.
- 5) 4-anilín-*N*-fenetýlpíperídín er milliliðalaust forefni fentanýls og asetýlfentanýls. *N*-fenetýl-4-píperídón má nota annað hvort sem upphafsefni fyrir 4-anilín-*N*-fenetýlpíperídín, sem í kjölfarið getur myndað fentanýl, en það getur einnig verið beint forefni fyrir fjölda hliðstæðuefna. Með öðrum orðum er auðvelt að breyta báðum efnunum í fentanýl eða hliðstæðuefni fentanýls.
- 6) Rangnotkun og misnotkun fentanýls og hliðstæðuefna fentanýls veldur alvarlegum félagslegum og lýðheilsuvandamálum (einkum auknum fjölda dauðsfalla vegna ofskömmunar) á sumum svæðum í Sambandinu. Til eru vísendingar um að talsverð ólögmat framleiðsla á fentanýli á grundvelli 4-anilín-*N*-fenetýlpíperídíns og *N*-fenetýl-4-píperídóns fari fram í Sambandinu. Til að bregðast við þessu vandamáli ætti að innleiða eftirlit með innflutningi á 4-anilín-*N*-fenetýlpíperídíni og *N*-fenetýl-4-píperídóni.
- 7) Lögleg framleiðsla 4-anilín-*N*-fenetýlpíperídíns og *N*-fenetýl-4-píperídóns, viðskipti með efnin og notkun þeirra eru takmörkuð í Sambandinu. Skráning efnanna í 1. flokk hefði af þessum sökum í för með sér einungis takmarkað aukalegt stjórnsýsluálag fyrir rekstraraðila og lögbær yfirvöld í Sambandinu. Samráð við rekstraraðila og aðildarríki hefur greinilega leitt í ljós að skrá skuli bæði efnin sem efni í 1. flokki í reglugerðunum.
- 8) Í ljósi sjónarmiðanna í forsendum 5, 6 og 7 ætti að skrá 4-anilín-*N*-fenetýlpíperídín og *N*-fenetýl-4-píperídón sem efni í 1. flokki í I. viðauka við reglugerð (EB) nr. 273/2004 og í viðaukann við reglugerð (EB) nr. 111/2005.

(*) Þessi ESB-gerð birtist í Stjtuð. ESB L 123, 18.5.2018, bls. 4. Hennar var getið í ákvörðun sameiginlegu EES-nefndarinnar nr. 151/2019 frá 14. júní 2019 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn (bíður birtingar).

(1) Stjtuð. ESB L 47, 18.2.2004, bls. 1.

(2) Stjtuð. ESB L 22, 26.1.2005, bls. 1.

(3) Stjtuð. EB L 326, 24.11.1990, bls. 57.

- 9) Því ætti að breyta reglugerð (EB) nr. 273/2004 og reglugerð (EB) nr. 111/2005 til samræmis við það.
- 10) Þar eð lögleg framleiðsla, viðskipti með og notkun 4-anilín-*N*-fenetýlpíperídíns og *N*-fenetýl-4-píperídóns fyrirfinnast í Sambandinu ætti að gefa rekstraraðilum og lögbærum yfirvöldum nægan tíma til að laga sig að breytingunum sem gerðar eru með þessari reglugerð.
- 11) Með reglugerð (EB) nr. 273/2004 og reglugerð (EB) nr. 111/2005 er tilteknum ákvæðum í samningi Sameinuðu þjóðanna frá 1988 komið í framkvæmd Í ljósi hinna nánu efnislegu tengsla milli þessara tveggja reglugerða er réttlætandi að samþykkja breytingarnar með einni framseldri gerð.

SAMÞYKKT REGLUGERÐ ÞESSA:

1. gr.

Breyting á reglugerð (EB) nr. 273/2004

Í töfluna fyrir skráð efni í 1. flokki í I. viðauka við reglugerð (EB) nr. 273/2004 bætist eftirfarandi færslur í skrána yfir efni á viðeigandi stað í röð eftir SN-númerum þeirra:

Efni	SN-heiti (ef annað)	SN-númer	CAS-nr.
„4-anilín- <i>N</i> -fenetýlpíperídín		2933 39 99	21409-26-7
<i>N</i> -fenetýl-4-píperídón		2933 39 99	39742-60-4 ⁴⁴ .

2. gr.

Breyting á reglugerð (EB) nr. 111/2005

Í töfluna fyrir skráð efni í 1. flokki í viðaukanum við reglugerð (EB) nr. 111/2005 bætist eftirfarandi færslur í skrána yfir efni á viðeigandi stað í röð eftir SN-númerum þeirra:

Efni	SN-heiti (ef annað)	SN-númer	CAS-nr.
„4-anilín- <i>N</i> -fenetýlpíperídín		2933 39 99	21409-26-7
<i>N</i> -fenetýl-píperídón		2933 39 99	39742-60-4 ⁴⁴ .

3. gr.

Gildistaka og beiting

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Hún kemur til framkvæmda frá og með 7. júlí 2018.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 26. febrúar 2018.

Fyrir hönd framkvæmdastjórnarinnar,

Jean-Claude JUNCKER

forseti.